

勉  
行  
堂  
詩  
集

鵝行堂詩集卷二十

古歛 程晉芳 魚門

无眚集

起丁亥十一月  
盡己丑八月

丁亥仲冬僕徐盜郵使金累幾及余賴

聖天子仁恩免議歲闌風雪偶有題咏取訟初九爻辭名集曰

无眚以志小臣感激之忱云

送畢秋帆之任鞏昌

繕性憂患餘送遠冰雪夜疏筵撫凍醪沾吻未能下交游越五

年襟慄與俱化科名以人重器識王宋亞

帝將試民事俾爾馳遠駕雄風古洮岷符呂用小霸江源滯沮洳嶽麓猛陵跨西瞻盡驩笮東顧連涇灞羌戎恒雜處威信可  
効詐沿邊近屯田瘠土慶耕稼雲生馬隊來日落茶市罷觀察

樹方面守令所憑藉稽功考群慝如木辨荆柘文入蒞實用密  
緻無纖罅溫溫好風度想見整而暇行諸歲功闢俎豆陳臘靖  
江鄉將母情得請暫歸假早春及塗松緝杏嬌欲嫁家山如故  
人別易逢迎乍遄征曉北雁回首盼南鵠九姓望干旌跪拜垂  
玉靴詩題隨地有似彈求鳩矣三十六峰盤九十九泉瀉山川  
增筆力文字重聲價浮生抵瀾浪懶僻從嘲罵子獨謂可人味  
痂同噉蔗茲行誠壯往寂處依塵榭治經炳燈檠相憶過涼夏  
微情戀花竹剩欲營五架顯晦或殊塗於義未離舍何時就雙  
扉容我科頭迓

題阮吾山行卷四首

開卷循環讀三年爾許詩句奇驚縮舌語妙笑拈髭兄弟近傷  
別田園燕不治無勞歎行役行役是閒時

各有歸淮宅新攘卷土來波心澹烟樹夢到夾城隈合寫移家  
卷難拋寄興杯因君好詩句懷抱轉恢台

小宋才名重

謂小官偕行得蔣侯

謂辛仲霜悽催作客月悄憒聯舟

險韻攢眉押奇踪縱目收長年窺竊笑癡絕見斯儔

阻風休歎悒曾有順帆時身世聊隨分文章信足奇人經一番  
別鬢長數行絲翦燭看行卷差能起我衰

寄懷慶侍郎樹齋三首

隣封昨偶未輸誠彈壓遐荒倚月卿到日已看茶市復坐來真  
覺雪山清遠謀魏絳能紓國奇策陳湯勿喜兵想像攤書消永  
夜蕭蕭霜角繞營鳴

相公臨別謚嚴詞報

國行旆勿念私燈下撫孫仍說子歲闌馳札重郵詩排成雁字

霜留影唱到刀環月展眉也識疏襟多慷慨可能南顧免相思  
師門恩重八年餘勢分都忘接佩裾清茗一樽醉絮語繁花幾  
樹叩深居老懷最怕窮秋別遠道難傳盡意書幾輩故交新別  
去雪窗孤抱對誰據

詒堂南送秋帆近任羣昌觀察

溫硯爐歌

新安方子所弄溫硯爐晚乃歸之惠山寺楚弓旣得楚人欣越  
客長吟越箋寄寄向春明索和詩久慚鉢澁無才思爐式經營  
自二泉樸質都殊七寶製唐代有七寶硯爐見王仁裕開元遺事取諸旣濟自鼎  
形方揣縱橫銘以識堅泓成冰利治鎔離明出火開文字匠心  
世上日爭奇金吉因人匪其器先生正派啓東林心若寒泉湛  
且深故山乞去不教去離披短草成孤吟見顧元慶夷白齋詩話此時此  
爐製成否爛雪繁窗風怒吼摩琳腴呼石友溫之且以慰旅

手大異沈烟篆螭紐側聞墓道樹豐碑瓊琚佩玉大放辭精魂  
尙恐石磨滅中宵示夢事絕奇顧震滄先生爲余言曩曾夢人  
二泉也墓碑將爲人移盡往止之使恍往視途遇華豫原  
告以故華曰豈有是哉因刺刺語不休比至碑已斷泐矣一名  
所繫念在茲鑪兮可有神護持方子曠達人老去計非左也如

放駱遣楊枝雅具教添妙因果昔遊邗江不示我交臂失之恨  
亦頗書生嗜茶耕者硯竹鱸遺法性海擅兩事能兼數錫山一  
儒一禪相耀爛我今百事寡欣羨剩欲箋疏盲左傳乞靈如覩  
先生面想搘霜毫布長卷賈服微言供緝繕若觸解結通其變  
朱塵誤人歲馳箭願得安隨厄琴薦灑墨冬齋尊杜撰

十一月二十八日喜雪三十韻

冷節逾三九瑞雲散大千雨嫌冬久晉終覺候無偏昨夕陰霾  
合通宵默禱虔雲衣須裝積風力勿驚牽簷靜鈴銷響窗虛粉

逗妍急呼童啓戶始覩柳飄綿墮地無聲牕穿庭作勢旋枯林  
閒點綴瘦石細沿緣撒廻俄堆砌鏤鹽可列邊啓珠難出匣投  
玉札連篇世界宜誇富樓臺宛屬仙銀峰排朵朵綺鳳降翩翩  
調變闌名理禎祥淵有年徐覩殊寸累漸訝滄池填土脉甘承  
潤冰心懷共堅多多洵益善皎皎欲通禪騰貴長安米奇零薄  
俸錢覩茲餽厚望失喜慕春田螭蟠摧形影麌麌蔽陌阡汙邪  
申吉語利市遠遙屢撫已躬誠菲同人樂最便遭時徵愷豫爲  
治極昭宣破蔡鳴朝佩唐書貞元中裴度平蔡以十一月二十八日入朝宜孫倣

御筵唐貞觀十七年十一月二十八日誕皇孫晏百僚於宣教  
闈今年

上舉皇曾孫璧方呈向趙書已捷馳滇時滇師已克木邦再白連初白

堯天是佛天逢人開笑口起舞露華顛縱少尋梅騎猶遲入剡  
船屋深儲柏火爐煖透茶烟擁袖支簾坐披帷枕手眼滌觴謀

小飲欲暮竟陶然

十一月三十日雪

喜雪吟成雪還晴更遲一日更飛英人心暫歎天能補日紀將  
窮歲兆盈著樹花多妝轉澹迴風勢重落偏輕者同果見深逾  
尺千里河山玉削平

賦前三白歌

今年社酒宜多置三白連飛迫殘臘此去春朝五日期天公厚  
意來重沓及時雪勝及時雨先爲農功布周匝一度飄花一度  
深田塍喜色連闔闕截肪何曾汚脂澤量珠更不煩升合堵前  
堆塚覺勢重眼底晶明無物雜高擡簾額看迴旋細壓車轡沒  
馳轂短松瘦竹寫濃澹宛肖幽人披白搭從知造化耽繪畫汲  
骨山川粉調醢誰能狀此冷飛白翠墨淋漓費摹搨六年朔雪

斯爲盛得意忘言息嘻啞春梁織布等閒事此是儲糧施衣衲  
占定戶戶足蓋藏腐朽繪錢歸職納筭天願乞著爲例十年此  
景應逢卅層累而加千百年悉教露處棲華榻遍聞演師大克  
捷阿瓦崇墉定堆拉萬里銀沙颶絳旗遐宣露布傳宵蠟降王  
面縛走單輶覲我中華玉樓塔自茲甲士化春農穩著烟蓑釋  
戎韜生逢太平老無用清興猶堪鼓衰颯呼童掃片煮銅鑄淪  
素磁甌啓茶榼上池漱嚥一襟淨枯腸埽殄三彭嚬雪水能然  
蟲見本草  
北風圖更憶江邨泥滑溪橋芒屨踏酸風逆鼻吟小詩也勝束  
帶趨黃閣遠馳狂想增神王近覓同儕幸簪盍南城馮子初西  
瞬未節河料持凍硯勤呵欲急炊鼎飯往招呼夜永拈書交難答

歲晚寫懷三首

五十一人前號老翁顏非童壯項先童當杯遠遠思南食饒量蕭

蕭撻北風餽歲盤登餉黍白烘花窖趁杏桃紅承明久直原  
望祇愛清霜壓淺蓬

眼瞀燈昏手一編旁行注迫獫麟年時注左傳初稿而卒業纏材敢望抉  
經髓晚景猶期獲硯田振袖古香霏蠶紙襄簾殘月隱冰磚斗  
思舊日閒心力拋向詞章亦枉然

漸老年華漸益貧歲闌冗事集流塵謀身不作多金想轉念難  
忘索米人歡喜緣生兄弟夢清涼境隔水雲津連朝奇富如堪  
詡買得探春傲早春時購盆花數株探春開最盛

次韻璞菴同年唐花四首

海棠

星星石火蘊閒坊幻出青霞觀綺妝久抱冬心耽寂寞類馳春  
轡引顛狂低垂也似愁輕雨潤媚翻宜玩凜霜六曲屏風雙櫂

燭了無蜂蝶鬧紅香

蘭

淺亞盆磁靜結根同心歲晚待深論生從煖地情蕭澹笑向寒  
齋貌粹溫簾幕有香徵吉夢佩環如水認璫魂三枝兩葉煩誰  
筆與寫西窗雪影昏

梅

清夢閒依古水涯烏皮几上忽橫斜畧煩束繩傳薪力宛見含  
冰闌月華翠羽一雙渾未集青峩三百偶從賒適來北地矜標  
樞倘老江南又足誇

牡丹

錦灰堆裏過殘年意外名花擢艷偏富貴本宜誇早歲清寒聊  
與證初緣免教設色雕欄護忙聽流音羯鼓圓瘦隱山肩病希

逸未應倦賞怯新筵

壇尊宮闈以南果二品見貽走筆報謝二首

橄欖

翠顆青膚入眼明歲闌投餽自宮卿世情祇嗜甘和味此果能  
專婢直名醒酒微功消積困點茶酸况助徐清咀從儀舌瀾翻  
甚却笑揚州妄置觴

柑

聞說寒漿敵蔗漿包來猶帶洞庭霜殘枝映手不成綠喜色連  
眉相間黃子本久思隨橘種一絲端欲亂橙香上元燈火匆匆  
到留待分傳仔細嘗

人日同朱笥河馮紹蘭史丈量陶然亭登高分得人字

雲亭宴罕下士與冰雪境許閒儔親吹塵比日驚異二說刼一

笑輕波旬人日爲劫餘  
見法苑珠林都盧勿問徑思出四三友涉寒沙津岩  
堯亭子倚佛閣冷落不見幡垂銀千林萬樹葉未擢太璞渾渾  
完其真關門聽風述山水時爲諸公言金焦北固之勝凭闌寄目闢城闕熏  
天侈食匪所慕覩酒局換炊茶新西巖斜日攬盈手小瞬疏梅  
開待人青輶第一痕須記自此番番約討春

移居三首

戊子二月移居琉璃  
散之火神廟西夾道

擇木孤禽豈易安每緣風勁慮巢寬眼明乍指琉璃界襟淨旁  
瞻薜荔壇室小閨人傳語競巷偏客子出車難深宵始覺南榮  
好處處支窗有月看

風前小酌別花卮已是丁香破粉時知爾依人情不淺慚予入  
骨俗難醫過頭竹記攜冕灌空腹榆經倚檻窺辛苦山僧行脚  
慣撫筇循玩去遲遲

廣東西畔結深廬藏海微身一葉如聽鼓趨衙塵擾擾打鐘吃  
飯步徐徐勢家歇馬評珍玩冷客攤錢問故書倘趁春燈倦游  
歷煮茶燒笋幸過余

申南屏停車圖

日月疾轉轂疇能似車停達人窺其微隨地覓駐行程行役山氣  
秋楓柏羅紅青遠峰接近巒繙以草木英卽景契心得眼界爲  
澄明舊句入新圖尋乎神太清詩人例赴蜀匪特趣其名且作  
吏且游瘦筆揚高聲歸田宜早計松桂毋乖盟異時西子湖濶  
醞期同傾

寄鄭研農

柏田王子昨停車說子河間近寄居織紝勤應同賣屨數錢工  
定幕揚裾地糾一水彌勞望人隔多年未報書古有相思涉千

里我誠匏繫子何如

年來宦味一漚輕剩欲環山結桂楹舊業久荒難卜隱高人有術善藏名白頭親可安眠食黃口兒方解送迎搔首燈窗緘札與峭風微雨識茲情

呂氏宅看藤花同擇石官詹慕堂侍御紉蘭司直笥河中允沈樓庶常峯山同年作二首

三日爲期待餽春訪花聊與證前塵青蛇滿壁爭騰彩紫霧漫天欲罿人香喻豆棚彌酷烈話隨茗椀出清新湖山倘遂拏舟約此地寧忘擊檣頻

林禽不斷語相催遇勝何辭取暇陪高屐短筇吾願足五年三度此中來花如人意開無盡日轉庭陰賞未回有約更尋蕭寺去竹風多處藉蒼苔

海波寺韓宅雙藤爲竹垞老人書屋遺蹟同厚石紗蘭筍

河嵇川晴湖小飲其下晚集嵇川寓齋用竹垞紫藤花

下醉歌韻

竹垞翁逝六十年海波兩藤腴不槁巷子西偏步舍車珍重尋  
遊非潦草主人望姓昌黎後延客閒庭薛初掃舉頭火燄拂肩  
領觸鼻香風繁耳腦春光欲去挽仍留想費多金量栲栳當年  
蠭尾刺人深此日蜂衙喧日杲山經海志纂黃圖屋尙如舟樹  
堪抱才人豈藉職官榮照眼繁枝供絕倒浮生雪浪疊相踰菌  
槿聊同闌昏早撰述道成不死方一瓣齊心尊此老罷免猶嗟  
久逗留輕帆不遽歸湖島飛英下夔翠樽盤蜜錦來遮素襟禊  
差宜飲况繼前修往事文人互評藻街南移席指槐陰燈熾月

高談愈好

秋聲一首寄舍弟述先

秋聲本無心物觸作悲瑣宵分擁衾聽一一如爲我我有同氣  
兄新赴重泉下魂悸讀南書痛甚遺割剝愁城爲繭絲外絡中  
纏裹蕭寥戶外音雨颯風掀簸不待樹紛披嘈雜無一可何由  
塞知聞無計俾暗啞昏燈半壁懸苦淚千行墮有弟住淮陰應  
已赴淮左水程三百餘心急掉奔舸入門發奇哀靈旐雪婀娜  
遺孤鬱成行幼者髽猶簪百務待深籌弱力奚以荷緬懷阿兄  
姿鳶肩色騰火烈性慨以慷慨智術妙鎔治氣欲吞十牛辨可炙  
雙輶摧折僅中年斯理眇難揣每詢北來人眠食諳亦頗咸云  
兄貌羸懷抱極坎坷沈憂能傷人茲語信非假父母生我儕珍  
惜喻珠顆未見慶充闇先訝噴碩果中流失長年誰與正檣柁  
搶攘身後事自大及叢脞圓者削使方博者鏘使橢旁觀手爲

東何策令佔安生平共事多哀樂相排擗別來六改秋歲月  
縱筩醒輒愴惵行寐輒夢圓坐天丹大慘苦猝遭丁此禍同懷  
五六人大半成燐炮顧我髮蒼蒼亦豈長年者易占棟方撓有  
木堪支屢唯我與爾躬肩任非苟且一息尚存諸疇敢謝勞羶  
必戒必洗心毋以玉當瓦鑒水取澄明狀石曼荔砌蘭兮苟刈  
鋤圖畫存幽朶听夕各勉旃襟袂冀重把

送璞函同年之滇

縛袴從戎跨馬鞍豪情豈免雜辛酸飲逢密友言難擇去適遐  
方歲漸闌草檄中宵踰極險忍饑十口寄長安書勦穩附旂常  
末同調偕行足自寬

謂蘭泉先生

又送蘭泉前輩

宦味嘗來悟鏡花偏令持橐走天涯元戎料敵資奇策

聖代憐才棄薄瑕  
縫綫慈親教報

國挽賢嬌女問還家  
撩人風土聞登記不獨編詩異日誇

送萬季雜上舍南歸

名父留貽善本書  
單心研誦廿年餘  
古裝大異描眉樣  
別袂輕揮落葉初  
冬釀醉偕兄弟  
飲春田閒課短童  
鋤圃山雲淨巒頭  
擁懷不于中共結廬

招友人看菊

秋來奚止一端悲  
強理歡情對菊枝  
高下紅黃凝碧錦  
淺深屏障勝安籬  
疏櫺月到霜難到  
佳種開遲謠亦遲  
頗怪故人稀  
問訊連宵空酌酒  
盈杯

次韻和寄查儉堂太守

箋來剛是雪來初  
爲報萍踪又徙居  
大郡擁旄成治久  
蕭齋即

疾得詩疏千山極目增寒景一夕開顏對遠書君仕未衰吾倦矣金闈近擬綰精廬

放歌

老夫行年五百一百無一能祇捉筆奏牘連行烏作焉官書纂  
義十遺七譏姍謔訶雜然至時復關門引微疾季冬行及仲冬  
畢風緊簷頭吹鸞巢璫簾布幄下層層宛爾重綿裹蟻蟲詩驛  
子史羅滿架嗜若兒曹慕梨栗審音高下勘唐韻斷義精粗申  
漢律眼底清明翳障除胸中磊砢光怪出自有蕭閒自弗耽日  
日從人甘縛極不求空山餌芝朮不理荒圓種柑橘待築書樓  
四五間井深汲用長繩繡朝光熒熒花散蕊夜深沈沈燭挑聖  
數甌白粥可扶身三尺烏皮足容膝視死生如經且暮貧賤知  
非難人術生平茹蘖同食蜜誰信蓮枯猶有營蹊田正好爲飯

牛啖楂行且潛吞蛭掉首終慚出世遲白髮盈顛不堪柳吳門  
烟水一千頃何日歸舟月涓吉吾蛇尚在喜方溢吾舌猶存語  
毋失窗前雪花灑蒙密起舞長歌用自逸欹枕懵騰上初日

申拂珊瑚輦補光祿卿詩以贊之

經年怕見策單車疚豈他人祇在余三品幸增新俸秩一生端  
頗古詩書雖殊執簡威棱重已覺調梅氣象舒轉欲向公陳淺  
語單心勤職勿求餘

次韻答河學士同人陶然亭對雪過余寓齋小飲作

枯林向夕投窮鳥深居祇用畫圓繞研誦徐耽理趣生儼陟層  
巒展佳眺亞增明曉憮初雪自卷簾看燈自挑雲衣凍結不輕  
飛玉龍尾大知難掉狂飈疾撼膚粟疹曲几閒憑爐篆裊著琅  
遽聞傳急響橐橐履聲來不少爲言同陟孤亭上盡闢軒窗送

清曉西山忽變作銀海。海靜不揚波浩渺。眼中奇絕賞橫糊。胸  
次瑩然增慙曉我雖未遊興弗淺。萬象來歸虛室晶曷不招呼。  
共駕車九州鎔鐵錯非小。唯將少許傲多許。殘片簪端仍了了。  
筭莫作馨魚炙。爛姑爲鶴憇。毋鴻矯諸公爾時異訪戴賤子。明  
年將過趙江南塞北起長嗟。暮景懷人風月悄。讀畫誰將首頗  
肯評茶孰以手爭遶矧我年來憂患深。澆愁懷復持香釀促坐。  
差宜夜縱談藉舌。潤翻祛訥謾繩愆。韓子幸交籍省難魯人欣  
得湫何當寫作歲寒圖。如雪襟期如日暎。選游易耳得朋難命  
之彌使心旌擾。

寄懷慶潤齋二首

春風披拂蓋牟城。晴雨都宜驗。政平堤柳又看新。葉吐山泉唯  
對長官清。想應撫卷投閒坐。悔未持觴送遠行。碌碌近慚無好

狀鏡中雙鬟雪添華

吾師黃閣密調元暇輒深居杜里門雅有諷吟懷令子新承  
恩澤喜諸昆五兄擢任十弟授職書生作吏增貧況農事興歌播這村妙  
妙心期托蘭茝古人風誼我思存

雪意

稚鴟凍雀語相呼遠木叢叢澹欲無四野風聲歸寂靜一天雲  
氣罩模糊占時野老籠恙袖卜晝驅人炙酒垂景到將然未然  
際物情欣願總難摹

正月五日至八日雪

油窗曉色太分明起揭簾旌見拂縈閒市收聲歸閑靜虛堂歛  
抱對寒清舞空有勢踪難定琢物無心象自呈比似沐膏吟好  
雨同功異態仰生成

南方雪届春嫌苦

江南農家以北地能令稼作甘花辦拈來剛  
春雪爲苦雪

綴六日車推過已逾三揮鞭驥背抽思緩試手龍公作戲酣淮

浦斷橋波一曲幾人維艇事幽探

疊韻奉和鏡山掌科病起同人載酒相遇之作

僕辭生客戶恒局足燈緣我輩青病起心情舊在手春來風物草盈庭雅宜沈酒賓兼主底用玲瓏影答形細煮月團澆舌本夜談能使倦懷醒

聞治藥餌導關局小惡彌看電眼青載酒雪光侵暖席睹暮花氣撲閒庭春回不減風霜信交潛渾忘爾我形輩食尚稀方恃鶴且拚客醉主長醒

晴

十日晦方晴東風大有情人懷尋樂意鳥減怯寒聲沼底雲光

動林端雪點輕差宜把書卷卷慢下廊行

筍河學士椒花吟舫益花特盛暇日奉訪率成一首

山礬雪白鼠姑紅一領茸裘坐向中清福轉容貧境占飽看差  
許故人同休憑七椀茶消興倘擬千篇句闢工見說豪家花列  
幄未妨有限傲無窮

正月二十四日雪

細壓春田豈厭多漸晴彌覺氣溫和餘明著砌休輕掃令節回  
頭已倏過賞處爐烟仍篆紐銷時山影易浮螺待他滑滑泥乾  
後拄杖青原聽鳥歌

春來

春來一月晴三日人近衰年減壯遊新得異書剛慰眼舊栽小  
樹漸過頭關門苦訥匆匆客煮粥食嘗淺淺甌頤憶江南梅信

早橫溪壓港冷香浮

夜聞歸雁有作

數聲淒切自南來還向簷前落枕隈整娛舊行知已失荒涼故  
土處難迴顧防處處餽弓繳豈懲區區足米苦老屋昏燈耿無  
寐攬衣中夜起徘徊

比日寒甚率爾成咏

東皇端不吝陽和姑爲元冬續一波日漏雪根呈煦澹山含雪  
影失坡坨池光欲動冰仍合爐炭重然手屢呵穩下毳簾掩關  
坐從伊門外雨風多

五十年過二

五十年過二三春候適中茗爐暖處處花徑步匆匆歸夢入遙  
夜醉吟當晚風都無希幸事差擬信天翁

題畫

烟中柔爛一枝枝亂落楊花撲酒旗頗憶清淮三月盡半晴半

雨倚欄時

三月十七日法源寺看海棠二首

序  
事甫  
畢  
時  
臨城

險負名花悞却春花能含蕊待游人醉伊入手三杯釀洗我填胸十斛塵身外有何關得失眼中隨分飄清新孤行儕坐皆恬適斗覺回頭太苦辛

謝了紺桃趁海棠借花聊欲逞清狂訛詣也自關名理絢爛纔堪證道場風雨已曾經小劫蝶蜂原不遇殊香四三日尙能供賞取暇仍思命急觴

十八日重過法源寺看海棠作

花未闌珊貴數來晚風蕭寺靜無埃欄斜徑曲當增見雨掠晴

烘盡意閒久坐漸聽禽覘院遲歸剛與月徘徊繁枝欲抑微因  
果寺僧懸牌於樹寫因經戒游人折花義手巡行復幾回

訪寒葭潭故居丁香作

前度人尋舊折枝出簷高格益爭奇攜家徑去真成忍躡屐重  
來勿訝遲新露柔風相掩拂疏香妙態自矜持款門例不煩詢  
主幽榭聊須憇片時

法源寺看牡丹同徐瞬哉前輩作

舊識天紅一徑斜春光知定戀毗耶偶成西笑偕前侶不負東  
風賴此花幾輩游人俯欄檻片時清語却茶瓜慈恩柱說唐年  
盛今事仍須向昔誇

得假言歸漫成四首

七載流光指一彈看花走馬興都闕得閒且飲陶公酒有口重

彈貢叟冠匡坐徐徐理書卷欹眠首首夢漁竿浮家泛宅眞長策要與汀鷗證歲寒

入袋猢猻上竹鮎幾回持鏡感霜鬢官書百卷從擔去病牒三行有印鈐暢好掠波馳雨櫂雅宜炙背近冬檐閨人那解投閒意晚火疏窗怨語添

面面欄低藥圃紅可知希逸怯春風千臺揮罷情都懶一癲嘗來腹已充寡學他年思晚植多尤中夜省微躬箋天有願非難副半畝涼花近竹宮

晚景渾如風利船豈煩百丈繩徐牽舌存齒敝良多悟瓦智金昏信可憐楓葉冷搖千岫雨梅花香破一溪烟饒他饑凍驅人走不廢探山玩水緣

送陳復初中翰南歸

觸熱行裝冷性情接天雲水認歸程離杯入手花光暗官味回  
頭雨點輕力學更須持弱體思親無那別難兄橋西選宅吾將  
隱拄杖敲門免送迎

寄懷王孟樓

白蘋花間雪鷺群出塵風味想平分眼中建水如珪月袖底焦  
嵒環葉雲湖海氣高難卜隱椒蘭香重勿逢熏開秋鼓楫謀相  
就自譜新歌定許聞

胡茶汀挽詞三首

爛春握手愕然驚病骨支離改故形時出緒言評卷軸了無清  
興對罍瓶灰心久爲貧相迫蹙額潛憂藥少靈一片金臺烟草  
色引人思舊揚新銘

鈴墻鴉鳴古寺昏挑燈雨夕敞禪門

庚午歲同

寓法源寺齋甘茶苦原相

共雲散風流忍重論烟水歸舟魂欲語星辰經舍手曾捫君長于象  
之學驚才絕代如斯止仰叩蒼靈默不言

科試逢年祇益勞供人煎煉是明膏青編枉喻兼金貴白戰猶  
持寸鐵鑿荒塚淨爛埋紙筆故箱蕭瑟罕巾袍脫駸誰會負交  
葬下拜吾將爲伯高

題張曉巖前輩空山鼓琴圖

詩人貴領悟了不繫吟諷偶茲託圖畫遂享雲烟供七絃響冷  
冷妙諦相錯綜山靜語禽稀池平落花重此中著想難有觸如  
覺夢五音南土偏斯語豈奇中月華蕩虛簷自寓指時縱行試  
武夷游一曲聆一弄

題任幼植儀部雪屋箋經圖

老屋雪封如裹繭構櫨粢栢渾不辨伊唔時出讀書聲人與梅

花俱偃蹇叩渠所讀何典籍二禮周官日數卷熟諷巧心徐自  
生沈思妙義深可吮袒鄭非關樹義偏規貞能教潤舌捲昔教  
楊氏今盛蔡撰述專家極繁衍自繪新圖縱復橫時出大篇典  
而顯知從衆經通一經史子集皆供闡聞儼登高龕呼順風若  
濟巨川達遙猷功之衣被在後世服有紺緣車有轔其人貌古  
學愈古未肯塵埃終踏踐昨者綴科授儀部旋整歸裝問溪編  
上堂起居掃書閣窗竹羅羅覆堵蘚擁裘卒業過三冬故紙堆  
中情不淺指僵尚作字蟬聯涕凍猶傳音宛轉空山老衲叩鍾  
魚貝葉勤繙知鼴勉吾儕生幸號爲儒往往束書甘劣謗吾子  
眞能自强者一貧相迫以樂遣更施餘技託謳吟清絃旁流冷  
然善我甫欲歸子先去披圖有羨鬢頻撫過江异日約比隣冒  
雨行畦持鉛錢課耕取暇訂經疑并坐汀南柳絲軟

題習鑿齒燭修書小影

當時造君廬盈几皆官書紛若箔簇蠶多於獺祭魚破窗榻塵  
凝匡坐勤爬梳炎月不揮扇寒天不炙爐客來漫酌接神志猶  
拘拘問子奚自苦一笑自捋鬚三館流輩中疇能似子劬他日  
出此圖撫卷爲軒渠曩吾窺其藩未識子樂且桐階月露清涼  
幙風卷舒兩鬢澹妝束絢縫揚紈裾焚香立楚楚秉燭來徐徐  
蓮花吐青盤雁足承綠趺餘明有可繼人定開卷初雖曰寄閒  
情未敢卽燕居要之此景光集宛匪集枯帖且揭雙鈞文定成  
連珠裒然覩巨帙功伐錄彼姝昨者過江來大婦新登艤琴絃  
續高唱明鏡懸綺疏茲圖倘瞽見薄怒寧免夫願君益恢張勿  
用長柄驅行看施絳帳女樂環生徒

蓬心爲余作吳門小築圖並系詩四首走筆報謝

吾生大抵爲形役彈指春明七年客裏病侵陵遂欲歸歸時待  
下吳門宅吳門迤西山水好疊昔曾游今頗憶彼間况復盛人  
文琴止寒山一片石卽無人搆若思居定有路通遙集屐無田  
亦歸免貪謂有書可讀真奇策邇者相邀作圖畫暇日唯教先  
決擇厨人捉刀理蔬膳奴子掃庭治硯席君來攢眉稱小惡河  
魚腹疾作逾剝半槁未成呼促駕寸卮不盡矧行炙吁嗟一晝  
且艱難况果結廬終托迹茲圖補來二旬浹律體四篇蒙附益  
綴景分眞肖石湖涼烟薄霧疏疏織一船一墻皆有思何福能  
承此蕭寂子實吳人羨此行話到鄉園情惻惻年來爲我成卷  
幅慘澹中間尤著力我報以詩亦屢屢大葉粗枝罕雕刻此詩  
此畫告同儕盍贈行裝揮數則說經舊約任儀部事佛行偕羅  
右德謂幼植泊臺山孝廉歸思於今益浩然看取檣竿入雲直

鄭晴波同年索題其先祖職方公影園圖記爲賦一首

士生值亂世生死良細事要其始中終率履貴無媿影園職方  
園記其所自記遺址吾熟經裔孫况同輩豈惟對圖畫風概久  
默識有明邁末運九域驚鼎沸二寇未殲除四鎮復驕肆騰踔  
高家軍宣薄邗溝次職方舊識高排難施游說全城所托命遑  
作一身計奈何謠諑興群小競疑忌歷稽前史墳覆轍必相繼  
悞公猜越石信國逃李帥賢哲且若斯況彼與臺隸唇舌枉翻  
瀾肝腦倏塗地無何恩命下秩授人已逝使公不遽死閭部亦  
旋至終且與俱亡先驅如有意方其假歸時泉壑駕所稅爲圓  
十畝寬擇木千章藝客來角文酒解帶松雲際乃知生平居貰  
以逸養氣養之旣純全毫髮審義利捐軀赴急難輕若脫屣視  
百二十年餘臺沼益荒廢裔孫錄遺筆委曲托名繪池涵花閣

清苔覆板橋翠文傳景周折圖亦與之儻寧知碧血化但覺蒼  
烟霧一樹亦堪思一石亦當拜行將挂帆去園側蜻蛉繫冷塢  
弔殘梅呼公三爵酌

勉行堂詩集卷二十一

古歛 程晉芳 魚門

南船小草

起己丑九月盡十一月

都門留別十首

酒闌風細月當天  
始信今宵是別筵  
千里清霜游子夢  
一灣寒水郭門船  
休論隔歲重攜手  
難定茲行果結緣  
落絮飄花知分定  
且持瓶鉢學安禪

弱息孱妻尙寄茲江鄉  
去索米來炊貧人作計都成左拙性干時  
未是宜待訪雲山尋釣侶  
畧嘗櫻筍過花時吳烟越水相須甚  
收拾唯應付小詩

交到群賢信坦真曾無三日阻清塵停車不畏宵行警拒客唯  
防倦僕瞋試挈芳樽穿柳去更攜襍被翦燈論謂伯思佛宮大有

忘情樹照見將離亦愴神

時子廣渠門之古寺言別

歐血酸辛淚浥衣闊予搨翼惜將歸

謂竹君學士

一條冰雪腸相映

千古文章事共依玉體珍宜加別後金人誠願慷慨機冬齋知

定偕馮子

謂初蘭比部

細數行踪對落暉

扈從松亭月照營馳書頻勸緩趨程

謂于師印

酌恩無地身將老

覓食子今事不輕公尚彌棲謀築室我寧長往待編楹銜卮歎

語非無日祇歎蒼茫作此行

肯學文昌諷退之花天奕陣久追隨

謂仲師露

病餘未絕狂吟侶

謂鏡山給諫

監罷閑臨聖教碑果瘦木癱相類甚衲衣經卷授來時

定書粉版過吳子

謂百藥前輩

玩世逢伊著鹿皮

未得休官覩去官憐他厚石病初安青門餓共東陽沈

謂沈機農部

白髮繁于騎省潘與貸兼金償累急勑澆九醞賞秋殘明簪只

有春明盛小別匆匆境大難

踪跡年來喻角張卸裝人對打包忙茶烟裊翠三楹隔

謂彩亭前輩

書本研朱百卷藏謂竹汀前輩聚似春禽吟日暖行隨秋葉卷風狂

豈惟給諫追難及

謂藜堂給諫

絮語無因對六郎

謂姬傳儀部

纔試閒曹便欲休鶯川臨別益工愁雲間派許題長紙

謂白華昆季泊

穆堂農部甘井隣邀共夜舟午樓與習菴同寓頃偕余南返苦調淒淒難入耳征人

去去屢回頭長波日夜東南下也有旋潮赴北流

渡口他時折嶺梅九門風雪驛初來何人寫偈焚香坐

謂竹虛侍讀

若個停琴選竹栽謂擇石惺齋諸公鐵嶺戍隨涼雁至金沙騎逐暖雲

同者番藏海廬招集五字聯吟倒百杯

舟發潞河漫成同雲椒午樓作

舵長鄉音久不聞登艤觸聽已微欣未遑十口謀歸隱且喜三

人話夜分設色漸多黃葉岸無心又對白鷗群閒程那計舟行  
緩從遺淤沙閣水紋

贈香河明府徐圖南四兄

作吏信非易看君髭髮斑高城新版築流戶益歸還束帶趨大  
府把書成小閒隣封去平歛往往闢櫟營

習俗知難革高才果累人堅持冰雪操靜對雨風晨種秫猶虛  
計看山得此身談餘徵喜色孫竹長初筠

忽忽辭家去西風作暮寒勞君解清俸爲我設珍餐各有艱辛  
境深知去住難臨歧一揮手碧月照澄湍

舟次言懷

也算還家也別家秋帆影逐雁繩斜鄉園稼舍竟何託京國宦  
情良有涯且欲銜卮對松菊漸欣登饌足魚蝦萍因絮果休援

證隨地逢迎卽鏡花

觀漁人撒網漫成三絕句

縷縷殘霞隱暮山打魚人在白蘋灣何曾減却江南景燈雜寒星出葦間

船頭蹲坐網頻張高樹團團夕照黃省識世間無止境占來閒地也須忙

寒水魚潛不上波網維施設待如何旁觀東手休相笑空網從來撒最多

阻風

纔掛帆行旋泊舟茫茫古水引新愁沙禽急起投溪尾岸葉爭飛打客頭此味當年曾習慣生涯何地不淹留掩窗拚作提衾卧到曉顛聲也合休

津門鼓櫂行

春光如醉秋如醒客子逢秋心目炯日彩澄鮮月魄圓照人襟  
袂逾晶瑩匡居已自足歡喜况掠晴波搖短艇不緣行役詎游  
覽綠坂青巒判高迥岸容曲曲屢迴腰柳影垂垂未髡頂通瀨  
亭邊昨解維河淺沙淤船數艤以篙群揃類簇箭用力獨扛如  
舉鼎不嫌賤子慙羈身深憫舟人寒沒脰無何怪雨又翻盆掀  
簸狂風疑震霆艱難幾日達津門倏爾大波開浩漫天清景明  
氣平善盡得欣娛忘悲悼此地由來一都會血肉中間成聚散  
直沽丁沽帶圍繞西山饑山笏指庭佑舶漁帆遠近來淵魚雲  
鳥飛潛並仕女梳鬟髻偏遊人盛服裳衣裘毳縠響急阮等  
緩碧檻紅樓邀酌酌從教塗飾足粉繡我已安心守麻襟胸中  
自具瀛渤寬不用登趨窺溟津乘風從此溯江南故家兄弟遙

相訂同舟况喜得兩賢如玉之溫金澤洗推蓬眺遠輒肩齊停  
筆敲詩頻首肯較論身世升沈事評泊文章甲乙等爾我居然  
接鳬侶鄉國多應荒鹿町且持霜螯買滄酒莫挑燈蟲淪吳茗  
平生此聚亦因緣異日遐追思欸聲沙鷗豈解客狂吟飛入叢  
葭破煙暝

對月次午樓韻

蟾彩明明桂影涼照他河水不漸裳幾家靜閉惟依樹獨鳥頻  
呼似怯霜始覺羈人無暖景又攜清夢去寒塘舟中第一回圓  
月曉起尋思未杳茫

黃葉

倦眼明虛驛秋林幾樹黃清惟鑒澄水澹不受斜陽已濯三秋  
雨曾霑九夜霜苦心成老態高契得禪裝莫漫驚搖落猶堪傲

景光西風人策馬寒月鳥棲塘淺淺無深色疏疏少密行酒悲  
生掩冉詩思引微茫便欲支藤杖從茲訪荻莊年華紛似掃吾  
道寂堪傷蟲語香燈暗琴捶石磴涼蕭然鎖相對飛葉攬裾裳

燭花

體結誠因熱頭繁祇自然簇趺紅玉輾翹朵絳繪圓蒂弱仍拈  
蠟臺重忽湧蓮多多含意蕊暝暝護心田朗極翻徵暗中分或  
近偏幾曾和露種聊可緩蘭煎勢重防先墜光收取薄妍非香  
還選艷是色也通禪但惜灰成錦何知淚滴泉獨挑情未忍雙  
照影彌憐几曲屏低掩宵清漏疊傳酒頻催蓋底風不到簾前  
吐寸能爭月交枝欲化烟話深渾忘翦詩急免教鐫緬邈長征  
客冥濛小雨天有何欣喜事窗眼弄蟬聯

聞鐘

到耳生微聽鐘聲出遠林似隨流水影能引入山心響寂頗疑  
續言深如可尋月寒烟盡處應向此中沈

詠鴨

淺泛恒依岸群喧不避人行藏與萍近氣味得鷗親頂綠能欺  
草趺紅愛拍滑都忘爭覬意未羨畫欄春

寒蝶

已到飄零候寧憂生理微繞荒園畔去近衰草叢飛嗅菊逢霜  
緊棲蘭得露稀夢清潭欲化舞歇竟何歸烘日粉全褪翻風影  
不肥擬懶團扇畫團扇事先非

題雲椒蘭韻堂集五絕句

裁翦冰花琢玉痕慣摹清景唱高言韓吳體格居然見細膩風  
光骨幹存

著色不多真諦在耐人咀味鑑尋看香任香重都無取吐屬幽  
微直是蘭

到處句留逸興乘箇撲機悶一枝藤東南勝境歸行卷半屬錢  
塘半秣陵

兩載秋窗鏡掩塵幾曾傾視及他人偶然寄得閒情在秀色西

番咏洛神

近集有題西番美  
人及洛神圖詩

卿雲糾綬

殿庭隅賡和年來叶典謨須識玉堂推作手轉綠胸次貯江湖

題午樓蟬雪山房詩集次陳句山前輩韻一首

倚窗新句見量裁更索全編讀幾回搔擾秋心無近語卷舒錦  
段歎斯才玉溪以後嗣音少金馬諸賢拱手推紅樹吟蟬山雪  
齋就中清景妙能該

裴公宅子陸公莊不藉家聲自樹強錦瑟如人他日感烏裘衝  
雨十年忙清詩有味抄名紙賤子無端觸冷腸較爾春秋逾半  
倍飽曾領畧此風光

燒香曲用玉溪韻

倉琅掩夜雙懸魚花幙穗涼飄粉鬚鬆文橫几鵲尾爐畫屏倒  
影垂青葉錦囊坼封碎檀炷睡蝶驚飛燕呼母摺繡匀紗護絳  
窗只許濃烟向中吐珠斗迷離桂影昏寶書細字銷愁閑丁東  
墜漏憂瑤瑟裊裊翠綫通吟魂蒼龍涎白化雲氣繆繞皆傳不  
平意綃帷夢去暖氤氳鸚鵡調簧說香事論石量燒勿限度架  
上紅薇少新露

梨

壓擔秋梨白油坊小市清刀輕冰片削手重雪團擎渴肺寒漿

潤疏牙爽氣生精靈辨潔易肌理最分明

柿

磊磊繫驅背是能充晚饗鞭搖越日影口嚼爛霞茸品或在中  
下味仍兼澹濃轉頭看餘葉火金尙重重

憶菊

禁霜露風雨烟月蜂蝶  
蟹酒黃昏籬徑等字

蘭若多培菊京華舊擅茲官卑趁閑事意得選清枝磊砌花頭  
重紛披葉脚垂輕紅卷綃綺大玉捧盤匝種每標洋異名偏闢  
蜀奇移從古松舍擔自小沙彌摺疊屏雙掩分張墮四維深  
搖璧影高下亂燈絲邇日剛逢候佳晨悉付誰短轍停小巷瘦  
策拄苔墀何處尤誇勝相邀試共追當叢繞廻匝惜價立羈靡  
自歎懸帆去行經野天涯空空難入手脈脈祇勞思近事三秋  
誤前期一載遲江南豈無此到已過芳時

廢園有感三首

雨裏頽垣損荔衣朱門盡日鎖烟霏梁空燕挾全家去花少峰  
尋別徑飛荒店夢知酣與醒太清游果是耶非當時選舞徵歌  
急早有旁觀諷式微

竹館蘭軒貯異書往來評榷盡歐虞塞垣回首停霜雪詩句從  
人入畫圖曾訝王陽富車馬敢輕郭解肖侏儒私情公罪難相  
掩清淚無端到綠蘿

崔鄭門楣水樣清百年小劫示虧盈韓重花已操長算戴九江  
仍損政聲好事玉山饒勝賞誇人金谷太知名達生倘悟蒙莊  
理游屐何煩繼尚平

秋懷十一首用昌黎韻

孤蘭生何庸不敢黍稷嶷嚴霜隕草木憔悴與俱已如何空谷

操偏感幽人耳良由抱至潔有觸必興起置之繁艷中澹泊了無似士生掘奇珍泛跡罕依恃冥心尊古賢歛足就中軌自好誠足多奚必爲世喜

衰顏不再腴古鏡灼新悴愧非松柏姿挺立最寒地搜吟適自斲薄游取微恣老氏守雌黑公孫辨同異學勿師專家葆已信爲貴

秋容太晶熒秋氣少柔曼風搖沙浦燈月照夜船飯言從解組歸靜懷疏放願由來當境決不待妻孥勸人生無百年結念浩盈萬犧防文錦披禽拔翠羽獻椿菌各天游造物無恩怨  
鶯鳥擊淺草氣勢含冰凌蟋蟀亦謀居戀暖惟癰蠅因時感所歷得失明愛憎霜威所磨戛是物皆有棱潛蝶不黏竿潛魚不投罟了了乘化機以遯爲多能

鐘定人罷行露零蟲有警擁衾意熒熒聽漏宵永永暗水得窗  
明敗葉挾風猛羈情非一緒徐引如綫縷安居彼何人自不知  
厚幸白板兩漁扉心跡幾時屏

衰齡始舉男弱可憇遲景夜啼聞聲呱曉視憐目罔如何彌月  
餘翁去成泛梗丈夫多遠懷負劖非浪騁他時候門迎問事挽  
鬚請

盈縮契元功至明貴用暗必逢嚴肅候生物始無憾幽幽古蟾  
魄下傍虛室瞰萬象爭餘妍約之以虛澹萌芽蓄寒序春及始  
觴邀奈何士棲棲舍久計其暫要當如虛舟縱去不施纜有琴  
供撥彈有書待點勘饑寒細事耳豈復慮儲瓶

帆葉入秋聲舉舉何軒軒兩堤駛如馬雪浪隨之奔映月耿餘  
照舟人多夜言行籠有故書拂几陳我前寧知是水宿且復耽

霞餐詞章雖小事曩昔曾親編浩蕩六經旨一語該數千甘和  
識正味不復會鹹酸願得日研討箋疏隨食眠娛已亦云足豈  
以傳他年

秋盡潦雨收后土皆曠乾明星耀宵宇磊落垂珠玕夜久氣森  
森露白不成團孤懷多默感轉側眼未安推篷視川野靜波躍  
微瀾生涯隨日月跳躡如彈丸不遺霜壓舟則爲塵沒鞍

淒淒秋士居搖筆成秋聲窗草謝衆綠夜燈含小明心孤抱百  
憂境寂懷一誠淺觸輒深契寸積俄尺盈選樂無近方衝愁出  
奇兵唯應謀酩酊跂脚當南榮桂熏椒榦自促非人令

南濱行漸及晝問弟安好七年風雨期握手苦不早骨肉予與  
汝晚歲各自保冬齋一笑春花蔬紅不槁人生聚實難負贍安  
足道

寄懷趙緘齋比部

風雨誠知出郭難又傳避酒去淮干掃庭自愛榕陰直入世休  
驚絮影殘舊夢燕雲含凍雪新愁御水弄秋闌故應早擘紅箋  
寄搖艇匆匆惜未看

聽雨

今夜江湖夢始成瀟瀟雨雜小波聲徐敲枕畔生寒思細滴蓬  
根有故情人與沙禽俱冷澹風搖漏燭欠分明更添葭荻稀疏  
響便是三吳兩越行

橈燈和雲椒韻

高引短繩附巨竿舟行傍夕一燈安明光落樹不成映暖影入  
波終自寒澌澌最防微雨灑星星又逐曉風殘憐他曳纏人辛  
苦頻向沙堤掉首看

浪花

欹枕看奔浪紛如花怒開雕鏽銀幾葉排塳雪千堆側犯紋方  
壘中衝艷更哀舟輕梭一擲篙急羽雙裁顛舞隨芳絮盤旋學  
冷梅爭明露蘭臉亂泣粉蓮腮水種元無骨雲姿不受堠逆風  
呈的嬋因雨妙潔洞草草寧分瓣浮浮未託夢吹噓到瑤蕊包  
孕得珠胎湧屋金神護爲山玉貌頽高從低處落前被後來推  
第朵愁兼集狂枝恨並栽奈他寒簇簇做就白皚皚灑定繁虛  
檻飛難入淺杯鷗嬉留影乍月漾透痕纔稍見平於掌深知幻  
是媒古今何限事勞爾暗相催

十月三日舟泊武城紀事

忽聞收纜語謳証已曳南船墮急洪濺頂幾人無可拯切膺往  
事寥相同丁丑歲予覆舟於廣陵之九龍橋有詩三首記其事頓教閣筆忘孤咏矣忽持

杯禦冷風繫艇荒堤經日住雪花何限打烟篷

檢舊作覆船詩再題一首

舊事尋思又此奇星周驛舍路分歧前因有定終無謂野哭頻  
聞祇益悲三日好風行十里一川寒色偃雙岐自武城之西移  
決自舟近城以待訟從知蹭蹬關天意準勅唯教補惡詩

舟發武城漫述二首

水濱祇合移風檄昆玉何堪覓鵠償盜指不疑誠影響謾加曾  
子太荒唐身依磨蝎頻遭謗星家以月爲身主牙可穿墉未易量留僕

寒郊須訟息霜天晚景最蒼涼

行路難曾喻上天江湖風味轉茫然每懷覺岸期投筏又向中  
流看失船文致語爲蠅翼附更番辯脫重絲纏何當老屋三間  
住長謝高檣短載緣

咏舟中花卉畫屏八首

三兩坼寒塢好風時一吹轉頭覓香氣不覺度橋遲

梅

紫衣素爲緣含毫吐綿邈但解琢春妍何曾掃眉學影落鵝溪絢嫣然笑靨開分明簫笛舫載得小紅回

桃

三十六體詩妍麗肖花格記向法源游與說禪一則

海棠

恒持澹泊心爲閑繁華過穩重看屏中露寒清夢破

牡丹

百枝爲一枝細路簇圓錦應悔拋青春面目作冰冷

繡毬

收水種仙蒲別有艷於火中庭綠意深賴此相印可石榴

誰此凭闌干瞥見嬌欲語淡寫一枝紅含翠奈多雨荷

晚霞

日脚微茫隱下春幻成霞氣散重重溪光乍展練明淨樹影忽如金鑄瑩瓊玉有痕傳異彩舊花隨意吐新芽清能涵碧宜占

霽澹不成紅欲作冬冉冉舞裾憐旖旎軒軒仙帔孰裁縫輕依  
野艇娟皴畫平學流雲未起峯銀瀑千條剛界斷蒼巒幾轉又  
相逢尾披竟作雙魚貢路細頻看一鳥衝漸共涼烟收宿靄畧  
分暖色映衰容達夫心事如堪寄指點遙空倚翠筇

聞歌

響細調難圓徐聽枕手眠有風來水際流怨到燈前各抱纏綿  
思煩伊一口傳

沈石田楓落吳江冷圖

沙平石淨秋娟娟風凋葉紅波悄然清雲垂空雁拍水野色做  
暝鴉翻烟畫家自具詩家骨句裏描摹罄毫髮阿誰且飲且牽  
船渡口漁燈大於月

第二回圓月

第二回圓月無慘倚檻看水程纔及半霜色凜生寒牖密穿仍透宵長落最難舟人閒計語晦日達淮安

水禽四絕句

雪頂飄蕭立水隈漁兄漁弟久無猜白荷花外秋雲濕瘦影何從辨去來

驚

泛時汀草連雲秀樓處堤沙簇錦鮮水閣有人相對嬾平分暝色掃花眠

灘鴟

驅鶯誠微態最穠遊人悄悄下池東驀然飛入竹深處覩託桃花無限紅

翠

曬翅魚梁只片時又看連隊去長陂自圖一飽非難事忍餓依人大是奇

鷺

聽雨疊前韻

昨夜清蟾吐不成五更雨作打篷聲淙潺似共長川響纖細能  
添小睡情船子徐牽剛欲泊窗棱逼曉轉難明未妨冷意頻催  
雪壓絮飄花送客行

魯連臺

敗姬爲火兆羸秦六姓紛掣蟻附塵一笑星光迴帝座尺書兩  
泣隕燕臣肯如黃鵠矜長臂自跨朱魚涉遠津片石荒臺表東  
海泱泱風氣見斯人

寒色次雲椒韻

天涯倦旅過殘秋寒色蒼茫引薄愁平岫乍凋眉葉秀渟川漸  
異眼波流烟沈不見稀疏樹霧淺能迷缺鑿洲西崦日華殊慘  
澹北軒風力太矜道晴非弄暝光偏暗清到無痕畫怎收使我  
恓惶恒聳膊何人招悵怯登樓雅宜鍵戶呼名酒誰遣趁程曳

短裘斂盡雲容開大野釀成霜氣壓虛舟慨張肅景交元律領  
畧酸情歎白頭江上梅花譜冷信應含小朶對輕鷗

午樓煎龍井茶共試漫成二絕句

索茗聊須助快談故人開箬檢清函七年布幔收天水何似來  
嘗北汶甘

此品今爲第二茶未經小雨滴泉花開春準赴西湖約堅坐溪  
頭看揀芽

喜晴疊聽雨韻

比日沈陰雨未成曉聞乾鵲喚晴聲碧波打槳凌虛景紅縷穿  
窗得暖情緩曳裘當蓬底坐細抄書益眼邊明順帆輕駛南鄉  
近鱗次何憂闊阻行

太白樓在瀋寧城南閣

當年賀李此交親落日崇樓氣尚新三面下臨千派水一時超  
絕兩狂人大都玩世唯憑酒未有稱詩不出塵雲樹相輝對江

表翠螺黃鶴總嶙峋

王仲宣墓

弱體爲文力尚堪齊東墓樹冷光含人生難得藏書讀世味曾  
同覆局諳出陳思深惻愴碑如德祖默尋探依曹事業輸荀  
許獨步何妨老漢南

木瓜分得佳韻

也附匏瓜宿鵝兒色嫩佳磁盤宜小貯筒布與頻揩引睡得甜  
味咏詩增古懷山礬相映帶雅致是冬齋

臺莊水淺同人各易小舟南下賦別四首

三里郵亭達古徐題襟未了遽分裾涸河那許高帆渡專席差

宜小艤居遵陸幾時同白雁胠沙前夕類儻魚艱難淹滯頻相累感激諸君尙戀余

聽雨聽風驛漏遲幾開口笑幾攢眉豈能從此鍵雙戶長是相思過六時春及旋催雲外騎雲椒將於正月北上謂午花明閒葺柳邊茨謂午樓述征不用逢人說舉示新編唱和詩

冥目搜吟袖手敲併將新境付長鈔酒殫食絕逢需義水絡山連得蹇爻剩一錢看唯旅橐抵雙管畫有書包鄉情張觸程偏阻各自驅愁當解嘲

錢後人如王粹溫謂錢禹牧達泉昆季整襟聆我輩狂言世間果有斯風漢味外宜參此法門黃鸝仍期究終始素心難得數晨昏蘭船栗杖行相訪不獨馳書問水邨

小舟兀坐卽事遺懷柬雲椒午樓八絕句

小就從知易著身篤師搖羸疾於神庾將軍尙能容足何況江  
湖載酒人

三人各據一靖蛉蓬打頭低足礙櫓轉覺看山情不淺沛徐寒  
岫入船青

几不能張硯不臚揮毫膝上選吟餘別開新樣殊堪哂跪著衣  
裳卧讀書

飯後難將跬步移夜眠覆首避風吹衛生小訣吾差解卽境何  
容自主持

一葉衝風浪響返回看大鷗滯沙隈安便豈不懷寬處那得長  
時快意來

支頤寂眺楚天長眉月初傳一棱黃寄語多情午樓子而今真  
箇是淒涼午樓兩月以來頗有  
淒涼之歎故戲及之

魚箔燈紅隔葦簾  
撈蝦淺渚映虛簷  
前身合是烟波長  
水景頻看總不厭

銜尾船如雁接群  
相先相後語相聞  
蒼茫別意從茲始  
掉得餘波也張軍

抵宿遷縣唐芝田司馬以所乘舟相送至淮漫賦一首邀

雲椒午樓同作

又辭卑趣得高踪  
展拓筋骸縱懶容  
廣廈庇人差可擬  
慈航近岸適相逢  
頻聯吟席揮長紙  
不遑家山隔數峯  
酒罷惺惺倚孤枕  
未分襟已轉離悰

抵淮與雲椒午樓別再賦一首

堤深樹老古淮津  
此別驚神遂欲真  
千里江波數峯影  
半帆寒色兩詩人  
滿船燈火思前賞  
躋屐渙橋訂後塵  
多少喜憂相共共

事又吟殘雪度蕭晨

寄謝芝田司馬三絕句

離緒三秋話一宵芳船借與蕩蘭橈知君心事隨流水相送長淮不覺遙

暖簾搖漾綠波如穩閣行裝雜置書昨日短篷今廣艦人生隨地有乘除

滑碧紗榮牡蠣窗風華難似此絳艤不知司馬來欹枕閑看何人剔淺缸